



1. REGISTRASIEDATUMS VIR 2017

Registrasiedatums vir 2017 sal voor die einde van die jaar in 'n afsonderlike kennisgewing deur die Registrateursafdeling gekommunikeer word.

2. VERPLIGTE EERSTE PAAIEMENT VAN STUDIE-EN INWONINGSGELDE VIR 2017:

Die volgende bedrae is betaalbaar voor bogenoemde registrasiedatums:

VERPLIGTE EERSTE PAAIEMENT VAN STUDIEGELD	
Voorgraads	R11 353
Nagraads	R8 280
Diploma/Sertifikaat	R8 280
VERPLIGTE EERSTE PAAIEMENT VAN INWONINGSGELD	R10 600
VERPLIGTE EERSTE PAAIEMENT VIR STUDENT IN KOSHUIS (Totale bedrag)	
Voorgraadse student in koshuis (R11 353 + R10 600)	R21 953
Nagraadse student in koshuis (R8 280 + R10 600)	R18 880

LET ASB OP NA DIE KORREKTE STANDARD BANK BESONDERHEDE VIR INBETALINGS:

Bankbesonderhede: Standard Bank Stellenbosch

Rekeningnaam: US Studentegelde ("public listed beneficiary")

Rekeningnommer: 063163225

Takkode: 050610

Verwysing: Studentenommer

Faks depositostrokie of bewys van betaling aan: 021 808-3739 OF epos aan studentegelde@sun.ac.za

3. GEEN UITSTAANDE SKULD MET REGISTRASIE NIE

Neem asb kennis dat alle agterstallige bedrae vereffen moet wees voordat 'n student vir 2017 mag registreer. Let asb daarop dat die Universiteit ongelukkig nie enige afbetalingsooreenkoms aangaande uitstaande skuld sluit nie.

4. BETALINGSTERME VAN STUDENTEREKENINGE

Studenterekeninge kan binne die volgende twee betalingsterme vereffen word:

Opsie 1: Betaling in drie paaiemente

MET REGISTRASIE	Eerste verpligte betaling vir studie- en inwoningsgeld
31 MEI	Minstens 75% van die restant van u totale rekening nadat die gelde wat u reeds teen die registrasiedatum betaal het, afgetrek is.
30 SEPTEMBER	Die uitstaande balans op u studentegelderekening.

Opsie 2: Debietorder wat bestaan uit die volgende paaiemente:

MET REGISTRASIE	Eerste verpligte betaling vir studie- en inwoningsgeld
1 APRIL TOT EN MET 1 NOVEMBER	'n Verdere agt paaiemente is op die eerste dag van die maand per debietorder betaalbaar.

Aansoek vir debietorder-opsie sluit 10 Maart en die nodige vorms is verkrygbaar op die Web by <http://www.maties.com/tuis.html> verkrygbaar onder "Gelde", "Betalingsopsies" of by seand@sun.ac.za. Aansoeke na 10 Maart sal oorweeg word onderhewig aan 'n voorafbetaling van die minimum debietorderbetalings wat betaalbaar sou wees sedert 1 April.

Indien die volle studenterekening van Suid-Afrikaanse studente voor 31 Maart vereffen word, kan daar aansoek gedoen word vir 'n 3% korting op die onderriggeld komponent (onderhewig aan voorwaardes soos uiteengesit in die *Jaarboek*). Die nodige vorms is verkrygbaar op die Web by <http://www.maties.com/tuis.html> verkrygbaar onder "Gelde", "Betalingsopsies" of by studentegelde@sun.ac.za

Internasionale studente, insluitend nie-residensiële Internasionale studente, en Namibiërs, moet hul volle onderriggelde op die dag van registrasie vereffen.



UNIVERSITEIT•STELLENBOSCH•UNIVERSITY
jou kennisvenoot • your knowledge partner

5. AKTIVERING VAN STUDENTEKAART VIR 2017

Studentekaarte kan slegs vir 2017 uitgereik/geaktiveer word indien die volle 2016-studenterekoning vereffen is en die eerste verpligte paaieiment van studie- en inwoningsgeld op die rekening reflekteer.

Blokke sal slegs gelig word vir die aktivering van 'n studentekaart indien die volle 2016-rekening vereffen is en die student bewys van die volgende kan lewer:

1. 'n Eksterne beurs (nie US) wat op die briefhoof van die befondser aandui dat die befondser die eerste verpligte betaling vir studie- en inwoningsgelde sal betaal. US-beursstudente hoef nie 'n bewys te lewer nie - hul kan direk ná registrasie hul kaarte aktiveer.
2. 'n Amptelike bewys van 'n polis wat nog in die akademiese jaar uitbetaal gaan word en wat voldoende is om die eerste verpligte betaling te dek.
3. 'n Lening (soos Banklening, Fundi of Helpmekaar-studiefonds) waarvan die leningsbedrag voldoende is om die eerste verpligte betaling te dek, asook 'n aanduiding van die datum wanneer dit inbetaal sal word.
4. Indien 'n student se beurs, polis of lening nie die volle eerste verpligte betaling kan dek nie en die student kan bewys lewer dat hul aansoek vir 'n studentelening onsuksesvol was, kan die volgende uitstelreëling getref word, onderhewig aan die aanvaarding van die bepalings van die onderneming:
 - a. Die eerste verpligte betaling (studie- en inwoningsgelde) kan in gelyke paaieimente afbetaal word tot en met 31 Maart.
 - b. Die eerste paaieiment van die uitstelreëling is egter onmiddellik betaalbaar. Die blok sal eers gelig word sodra die eerste paaieiment in die rekening reflekteer en die volledig voltooide vorm verwerk is deur Studentegelde.
 - c. Indien uitstelreëlings in Januarie getref word, beloop die paaieimente as volg:

• Voorgraadse student	R3 784 x 3 (Januarie tot Maart)
• Nagraadse student	R2 760 x 3 (Januarie tot Maart)
• Voorgraadse koshuis- student	R7 318 x 3 (Januarie tot Maart)
• Nagraadse koshuis-student	R6 293 x 3 (Januarie tot Maart)
 - d. Indien uitstelreëlings in Februarie getref word beloop die paaieimente as volg:

• Voorgraadse student	R5 677 x 2 (Februarie en Maart)
• Nagraadse student	R4 140 x 2 (Februarie en Maart)
• Voorgraadse koshuis- student	R10 977 x 2 (Februarie en Maart)
• Nagraadse koshuis-student	R9 440 x 2 (Februarie en Maart)

Die uitstelreëlingsvorm is eers Januarie 2017 beskikbaar op versoek by Afdeling Studentegelde en afhanklik van goedkeuring deur die Afdeling.

6. STAKING VAN STUDIE VOOR 31 MAART

Indien 'n student se studies gestaak word voor of op 31 Maart, word alle studiegeld teruggeskryf. Koshuisstudente sal aanspreeklik bly vir die inwoningsgeld totdat die koshuisplek gevul is.

BAIE DANKIE VIR U BETALINGS IN 2016.

AFDELING: STUDENTEGELDE

Kantoorure vir navrae:	Maandae tot Vrydae, 08:00 tot 16:30
Kantoorure vir betaling by kassiere:	Maandae tot Vrydae, 08:00 tot 15:30
Telefoonnommer:	021 808 4521/4913
Faksnommer:	021 808 3739
E-posadres (studentegelde):	studentegelde@sun.ac.za